

подне в том теремке на поклоняние православным християном и на исцеление всяких недугов. Приходяще же православнии християне, елици различными недуги одержими, прикасаютца с верою и приемлют изцеление неоскудно и здрави отходят в дома своя, прославляюще господа.

И видя таковая преславная величия божия и неизреченная чюдеса бывающия изцеления от боготелесных ризы господа бога и Спаса нашего Исуса Христа, всея великия Россия первопрестолник, иже тогда правя ^ю кормила церковная и украшая ^а престол матере слова божия всечестнаго ея Успения, великий государь святитель Филарет Никитич патриарх Московский и повеле составити празнственую службу стихеры и канун и вся по чину церковному, на положение многоцелебных ризы господа нашего Исуса Христа, повеле празновати празник сий в царствующем граде Москве и по всем градовом Русийскаго государства месяца марта 27 день. ||

а. 211 И у нас в северной стране на край свету, идеже солнце нощию луча своего летом не таит, на студеном мори-окияне, в Соловецкой обители отец наш игумен Макарей повеле празновати празник сий в неделю по празнице Благовещения пресвятей богородицы или прежде празника в неделю, егда будет вместе, в постен же день — егда прилучитца, марта 27 день празновати ризе господне не повеле, разви разрешения великаго поста, понже де пост умыслися святыми апостолы и богоносными отци прежде, а сие празнество составися ^{II, а} после, ради преестественных великих чюдес бога Спаса нашего Исуса Христа, бывающих от многоцелебных ризы его. Снеди же братии на трапезе повеле в той день преставляти, якоже и в день воздвижения честнаго креста господня, и в неделю трет(ь)юю святого великаго поста, на поклонение честному кресту: рыбы же в той день иноком и белцом никакоже повеле, понже бо поется всекрестно. И по благословению и по повелению святейшего патриарха Филарета Никитича Московского || и митрополита Киприяна Новгородского празнуют празник сий — положение ризе господни — в Соловецкой обители и окрест Соловецкия обители в пределех студеного моря-окияна в неделю по празнице Благовещен(ь)я богородицы или в неделю прежде празника Благовещения егда будет вместе, на трапезе же простыя снеди тогда поставляются ивхарь, сиречь икра черная или красная, какова прилучитца, да три варения с маслом, *крамбия*,^б да лапша сочивная, да каша соковая, да квас от меду. Мирене же тако же удовляются земными плоды, благодаряще и воспоминающе пострадавшаго владыку Христа, искупившаго нас от работы вражия честною своею кровию, излиянною на кресте из пречистых его ребр и даровавшаго нам таковое безценное сокровище честную свою и боготелесную и многоцелебную^в ризу на исцеление недуг всяческих и на спасение душам нашим. Ему же слава, честь и держава и велелепие и поклоняние от всеа видимыя твари со безначальным его отцем и со пресвятым и благим и живогворящим духом ныне . . . безконечныя.^г

^{ю-я} Доб. по С.

^{II, а} Испр. по С; в ркп. оставися.

^б Испр. по С; в ркп. краменя.

^в В ркп. слова и многоцелебную написаны над строкой. ^г В ркп. последняя строка срезана; в С благим и живогворящим духом, ныне и присно и во веки веком. Аминь.